



**ЗАВХАН АЙМАГ ДАХЬ
ТӨРИЙН АУДИТЫН ГАЗАР**

81090 Улиастай, Завхан аймаг

Утас/Факс: 7046-36-12

И-мэйл: zavkhan@audit.gov.mn

АЙМГИЙН СОНГУУЛИЙН ХОРООНД

2024. 08.19

№

427

танай

-ны №

-т

Сонгуулийн мөрийн хөтөлбөр хуульд
заасан шаардлагад нийцсэн талаарх дүгнэлт

Төрийн аудитын тухай хуулийн 6 дугаар зүйл, Аймаг, нийслэл, сум, дүүргийн Иргэдийн Төлөөлөгчдийн Хурлын сонгуулийн тухай хуулийн 37 дугаар зүйлийн 37.5, Хөгжлийн бодлого, төлөвлөлт, түүний удирдлагын тухай хуулийн 5.4-т заасан Үндэсний аудитын газрын бүрэн эрхийн хүрээнд 2024 оны Орон нутгийн Хурлын ээлжит сонгуульд оролцохоор ирүүлсэн бие даан нэр дэвшигч иргэн С.Гүррагчаагийн сонгуулийн мөрийн хөтөлбөрийг хянаж, дүгнэлт гаргалаа.

Үүрэг хариуцлагын талаарх мэдээлэл

Орон нутгийн хурлын 2024 оны ээлжит сонгуульд оролцох нам, эвсэл болон бие даан нэр дэвшигч нь сонгуулийн мөрийн хөтөлбөрөө Аймаг, нийслэл, сум, дүүргийн Иргэдийн Төлөөлөгчдийн Хурлын сонгуулийн тухай хууль, Төсвийн тогтвортой байдлын тухай хууль, Хөгжлийн бодлого, төлөвлөлт, түүний удирдлагын тухай хууль болон Монгол Улсын Үндэсний аюулгүй байдлын үзэл баримтлал, "Алсын хараа-2050" Монгол Улсын урт хугацааны хөгжлийн бодлого, УИХ-аас баталсан хөгжлийн бодлого, төлөвлөлтийн баримт бичигт нийцүүлэн боловсруулж, санхүүгийн тодорхой эх үүсвэр шаардсан зорилт, арга хэмжээг хэрэгжүүлэхэд шаардагдах зардлын талаарх тооцоо, судалгааг гарган хуульд заасны дагуу дүгнэлт гаргуулах үүрэг хүлээнэ.

Сонгуулийн мөрийн хөтөлбөрийн дүгнэлтийн үндэслэл

Төрийн аудитын байгууллага нь 2024 оны Аймаг, нийслэл, сум, дүүргийн Иргэдийн Төлөөлөгчдийн Хурлын ээлжит сонгуульд оролцох нам, эвсэл болон бие даан нэр дэвшигчийн сонгуулийн мөрийн хөтөлбөрийг хянан үзэхдээ Төрийн аудит MNS 6817 - 1: 2020 Төрийн аудит. Тулгуур зарчим, MNS 6817 - 6: 2020 Төрийн аудит. Нийцлийн аудитын зарчим, MNS 6817 - 8: 2020 Төрийн аудит. Нийцлийн аудит стандартыг удирдлага болгон Аймаг, нийслэл, сум, дүүргийн Иргэдийн Төлөөлөгчдийн Хурлын сонгуулийн тухай хууль, Төсвийн тогтвортой байдлын тухай хууль, Хөгжлийн бодлого, төлөвлөлт, түүний удирдлагын тухай хууль болон Монгол Улсын Үндэсний аюулгүй байдлын үзэл баримтлал, "Алсын хараа-2050" Монгол Улсын урт хугацааны хөгжлийн бодлого, УИХ-аас баталсан хөгжлийн бодлого, төлөвлөлтийн баримт бичиг, Монгол Улсын нэгдсэн төсвийн 2024 оны төсвийн хүрээний мэдэгдэл, 2025-2026 оны төсвийн төсөөллийн тухай хууль, холбогдох байгууллагаас авсан тайлан, судалгаа, мэдээллийг тус тус шалгуур болгон авч үзсэн.

Дүгнэлт

Бие даан нэр дэвшигч Сэрээнэн овогтой Гүррагчаагийн Орон нутгийн Хурлын 2024 оны ээлжит сонгуульд оролцохоор ирүүлсэн сонгуулийн мөрийн хөтөлбөрийн зорилт, арга хэмжээ нь Аймаг, нийслэл, сум, дүүргийн Иргэдийн Төлөөлөгчдийн Хурлын ээлжит сонгуулийн тухай хуулийн 37 дугаар зүйлийн 37.3 дахь хэсэг, Хөгжлийн бодлого,

төлөвлөлт, түүний удирдлагын тухай хуулийн 5 дугаар зүйлийн 5.3 дахь хэсэг, Төсвийн тогтвортой байдлын тухай хуульд заасан тусгай шаардлагад тус тус нийцсэн байна.


Бие даан нэр дэвшигч С.Гүррагчаагийн мөрийн хөтөлбөр (.....² хуудас)-ийг хавсаргав.

Хувийг: Бие даан нэр дэвшигч С.Гүррагчаа-д

Хавсралт ²... хуудастай.

ДАРГА, ТЭРГҮҮЛЭХ
АУДИТОР

Д.БАТ-УНДРАА



Сэрээнэн овогтой Гүррагчаа миний 2024 оны Орон нутгийн сонгуульд бие даан нэр дэвших мөрийн хөтөлбөр

2024-07-19


Улиастай сум

Манай нийгэмд өнгөрсөн 30-н жилд үүссэн бүхий л гажуудлын гол шалтгаан нь хэт туйлшрал, намчирхал талцал учир утгагүй хуваагдлаас үүдэн аймаг орон нутаг маань Монгол улсдаа нийгэм эдийн засаг, соёл боловсрол хүний хөгжлийн индиксээр хамгийн сүүлийн байруудыг эзлэж байгаад сэтгэл эмзэглэж 2024 оны орон нутгийн сонгуульд бие даан нэр дэвшиж аймаг орон нутгийн хөгжилд өөрийн бие оюун ухаан туршлага сэтгэлээ зориулж ажиллахаар зориг шулуудан энэхүү мөрийн хөтөлбөрийг боловсруулсан болно.

Нэг: Завхан аймгийн нийгэм эдийн засгийн хөгжлийн чиг хандлагын хүрээнд

1. Монгол Улсын хууль тогтоомж, Монгол Улсын Засгийн газраас дэвшүүлэн хэрэгжүүлж байгаа ойрын болон алс хэтийн нийгэм, эдийн засгийн хөгжлийн хөтөлбөр, зорилтуудыг удирдлага болгон, Орон нутгийн өөрөө удирдах байгууллагын хуулийн хүрээнд, Завхан аймгийн нийгэм, эдийн засгийн хөгжлийн шинэчилсэн хөтөлбөр зорилтыг боловсруулан тууштай хэрэгжүүлж мөрдөж ажиллах нөхцлийг хангахад санаачлага гарган ажиллана.

2. Аймаг, орон нутгийн хөгжлийн онцлог шинж чанар, иргэдийн аж амьдрал, үйлдвэрлэл, үйлчилгээ эрхлэгч Аж ахуй нэгж байгууллага, иргэдийн хөдөлмөр эрхлэлтийн нөхцөл, үйлдвэрлэлийн түүхий эд бүтээгдэхүүний нөөц боломж, хэрэглээнд тулгуурласан байгаль цаг уурын нөхцөл, зах зээлийн эдийн засгийн харилцаа, шинжлэх ухаан, техник технологийн дэвшилд суурилсан, шинэ хөгжлийн хөтөлбөр, бодлого төлөвлөлтийг боловсруулан хэрэгжүүлж ажиллахад санаачлага дэвшүүлэн ажиллана.



3. Завхан аймгийн шинэ хөгжлийн хөтөлбөр төлөвлөгөө боловсруулан хэрэгжүүлж ажиллахад Аймаг, сумын Иргэдийн хурал, Засаг даргын тамгын газар, Хэлтэс тасаг, агентлагууд, Улс төрийн намууд, Олон Улсын болон орон нутгийн олон нийтийн байгууллага, төсөл хөтөлбөрүүд, Мэргэжлийн холбоод, Нутгийн зөвлөлүүд, нутгийн эрдэмтэн судлаачид, нийт иргэд, үйлдвэрлэл, үйлчилгээ эрхлэгч Аж ахуйн нэгж байгууллагуудын оролцоонд тулгуурлан боловсруулсан нийгэм эдийн засгийн хөгжлийн хөтөлбөрөө цаашид аймгийн нийгэм, эдийн засгийн хөгжлийн чанар, чадамжыг сайжруулахад дэмжлэг үзүүлж ажиллана.

Хоёр: Үндэсний үйлдвэрлэл үйлчилгээний хөгжлийн хүрээнд

4. Аймаг, орон нутгийн хөгжлийн онцлог шинж чанар, үйлдвэрлэл, үйлчилгээ эрхлэгч Аж ахуй нэгж байгууллага, иргэдийн хөдөлмөр эрхлэлтийн нөхцөл, үйлдвэрлэлийн түүхий эд бүтээгдэхүүний нөөц боломж, хэрэглээнд тулгуурласан, байгаль цаг уурын нөхцөл, зах зээлийн эдийн засгийн харилцаа, шинжлэх ухаан, техник технологийн дэвшилд суурилсан үндэсний үйлдвэрлэл үйлчилгээний салбарын хөгжлийг

сайжруулж, эдийн засгийн үр ашиг, хөдөлмөрийн бүтээмжийг нэмэгдүүлэн, иргэдийн аж амьдрал, амьжиргааны түвшинг дээшлүүлэх, ажил хөдөлмөр тогтвортой эрхлэх нөхцөлийг сайжруулахад санаачлагатай ажиллана.

5. Уламжлалт Мал Аж Ахуйн үйлдвэрлэлийг эрчимтэй хөгжүүлэн, мал эмнэлэгийн үйлчилгээ, малын үйлдвэр угсаа, бүтээгдэхүүний гарал үүсэл чанарын баталгаажуулалтын цахим системд шилжүүлж хэрэглэгчдэд эрүүл аюулгүй бүтээгдхүүнээр хангаж малчдын орлогыг нэмэгдүүлэхэд санаачлага гарган ажиллана.

6. Байгаль цаг уурын эрсдлийг даван туулах арга хэмжээг боловсоронгуй болгоход санаачлагатай ажиллана.

7. Газар тариалангийн үйлдвэрлэлийн хөгжлийн хөтөлбөрийг төр, хувийн хэвшлийн хамтын ажиллагаа бодлогын хүрээнд боловсруулж орон нутгийн хүнсний ногоо, малын тэжээлийн тариалалтыг нэмэгдүүлэхэд санаачлагатай ажиллана.

8. Завхан аймгийн байгалийн үзэсгэлэнт болон түүхийн дурсгалт газар, үндэсний өв соёл зан заншил уламжлалыг хамруулсан аялал жуулчлалын нэгдсэн төлөвлөгөө хөтөлбөр боловсруулахад санаачлага дэвшүүлэн ажиллана.

Гурав: Төр, олон нийтийн хамтын ажиллагааны хүрээнд

9. Төрийн захиргаа болоод төрийн үйлчилгээний байгууллагын ажиллагсадын ажиллах нөхцөл, ажлын хариуцлага, мэдлэг чадвар, сахилга зохион байгуулалт, идэвхи санаачлагыг сайжруулж иргэд Аж Ахуйн нэгж байгууллагад үзүүлэх төрийн үйлчилгээний чанар хүртээмж, хөнгөн шуурхай чирэгдэлгүй байх нөхцлийг бүрдүүлэн ажиллахад санаачлага гарган ажиллана.

10. Аймаг сумын хөгжлийн чиг хандлагыг зөв тодорхойлон төлөвлөж, цаашид хэрэгжилтийг хангуулахад сум багийн Иргэдийн Нийтийн хурлын үйл ажиллагааг тогтмолжуулж иргэд, олон нийтийн оролцоо идэвхи санаачлагыг нэмэгдүүлэхэд санаачлага гарган ажиллана.

11. Төр, хувийн хэвшлийн Аж Ахуйн нэгж байгуулага, иргэд тэдний оролцоо идэвхи санаачлага, мэргэжилийн ур чадвар, ажлын чанар, үр ашгийг улам нэмэгдүүлэх үүднээс төрөлжсөн уулзалт хэлэлцүүлэг, сургалтын үйл ажиллагааг сайжруулан чанар хүртээмжийг нэмэгдүүлэн ажиллахад санаачлага гарган ажиллана.

**Мөрийн хөтөлбөр боловсруулсан
Улиастай сумын Жинст багийн иргэн**


С.Гүррагчаа